

宋朝大詔令集

宋朝大詔令集卷第二百一

政事五十四

刑法中

令御史臺應行故事並條奏獄無大小中丞已上親鞫不得

專責有司詔

淳化四年六月戊午

御史府風憲之地政治尤先棘木平仄所以明慎庶獄綯衣直指所以振肅外庭近年以來舊制廢紊會朝之禮例失於恪恭執法之臣但務於循默宜申明於詔旨用恪舉於官常勉遵三聽之文載肅九賓之序使表著以定而囹圄不冤克彰愷悌之風用名和平之氣宜令御史臺應行故事並條奏以聞獄無大小自中丞已下皆親臨鞫問不得專責所司

外路繫囚盡時斷決詔

咸平元年二月乙未

朕欽承先訓，守鴻圖視民如傷，惟刑是恤。言念庶獄，尚多繫囚，或冤枉而英伸，或滯淹而未決。感傷和氣，莫甚於斯。凡爾庶寮，各宜匪懈，應在京見禁罪人，朕已躬親，疎決其四京及諸路繫囚，勅判日仰長吏盡時斷決。如有冤濫，即與伸理，限三日內畢具聞奏。違證未圖候對，致者亦速為結絕。老幼疾患

已下釋之。

遣官諸路疎決詔

咸平元年四月丙申

朕道未方古德，罔洽人致，使庶獄尚繁，五刑未措。興言及此，良用愧焉。載念黎人陷于刑辟，或橫楚之下，痛急自誣，或控牢之中，苦極難訴。感傷和氣，職此之由。是用分命使車，徧諸方郡，申此納隍之意，成予空囹之心。宜遣常參官馳往諸路，疎決刑獄。

誠約審刑院刑部大理寺孟公結奏詔

咸平五年四月己丑

近者審刑院刑部大理寺每月詳議連署奏上不能執正多所依違  
且法憲之司選才而授委之恭誠常事詳明用警循特中戒諭以自  
今並須盡公結奏

誠飭刑獄不得以情理取旨詔

咸平六年六月癸未

律令具有明文法官不能詳處多以獄情輕重別奏取裁或再令審  
定即復更改一成之制宜若是耶自今無得以情理取旨

命何亮等乘驛往東西踈決繫囚詔

景德元年八月庚辰

朕臨馭寰區憂勤致理眷惟達俗尤所注懷慮庶獄之稽留或齊民  
之疾苦是用下詔踈決命使撫存特申欽恤之恩以慰黎元之望宜  
令太常博士直史館何亮侍禁閑門祇候康宗元乘驛徑往廣南東  
西路踈決繫囚民間不便事與長吏實封以聞所至父老軍校犒勞  
撫問之

令審刑院進呈公案送中書省詳詔

景德元年九月已亥

昔先帝統御寰海恩綏黎元服大禹之克勤示有虞之欽恤嘗以執法之重特置審刑之官使其議定科條伏奏軒陛親奉詔旨批送中書實盡哀矜無淹宸斷所以刑罰必當其罪獄訟自以不冤救洽淳仁克成至治朕欽承鴻業動守成規每推在宥之誠式表好生之意豈徒重慎實務矜寬方屬盡心因常周慮且夫律勅所著則條目有常案問之詞則情狀不一若法寺以無條議罪比附或爽於重輕中書以徑奏奉行頗下有虧於審慎至於仕進之伍偶挂刑名之書雖務從輕亦難自辯則處幽者何階上達負屈者無以獲申展盡詳明特從整革自今宜令審刑院進呈公案一依舊例覆奏後批所得指揮送中書省看詳如刑名已當則具法寺斷語外即以勅文處分更勿載所得指揮如其未當則重具進呈務在平允惟爾在庭之士有

位之人倘典法之誤施當極言而無避苟聞有訴必復原情更緊求  
政之成廣我愛人之道竭誠啟沃共致和平仍宣示審刑院刑部大  
理寺法官俾之朕意

令八月一日已後持杖強盜南郊赦恩不原詔

景德二年八月己巳

允狻之徒希望恩宥民之多僻無甚於茲其八月一日已後持杖強  
盜遇南郊赦恩不在原免之限今所在榜壁告示

令竊掘偷盜從行空手非元謀造意巨蠹者奏裁詔

景德三年五月

此

刑罰所施必期於懲惡條制之設貴在於原情言念愚民每罹憲網  
至於從行為盜亦有可矜言念疲羸未忘軫惻自今竊掘偷盜從行  
空手非原謀造意巨

禁約訊囚非法之具詔

景德四年九月甲寅

榜掠之具素有成規非礼擅行為害甚用懲慘酷特示科條諸州府軍監縣及巡尉司應有非法訊囚之具一切毀棄仍令提點刑獄司察之

令京朝官嫻習法令者許開門狀詔

大中祥符元年正月庚午

刑罰所施蓋資乎審克議獄之任常慎於選掄咨乃仕進之流能明科律之要各宜自薦式叶旁求應京官有嫻法習令歷仕而無贓盜者許開門狀當遣官考試如有可採即任以審刑院詳議官

官吏犯贓遇赦奏裁軍民禁錮以俟進止詔

大

分職建官以釐庶務其或罔懷愧畏靡守廉隅竊其赦恩恣為貪墨陷于刑辟深玷獎章自京官吏犯贓遇赦者裁奏宜令兩京及諸路轉運司告示勸諭軍民有希望恩宥故犯科禁者遇赦禁錮以俟進止

大辟經裁決後付中書密院參酌詔

大中祥符二年正月戊辰

朕以眇躬收于恭獻務廣好生之德載深惟恤之懷雖法本防姦而資于致治若情舉閔實即臨於非辜况乃京邑之繁衛兵所聚惟茲有衆或抵常科每具獄之上聞必原情而軫念率從寬宥以示哀矜更察輔弼之臣體予欽念之意自今開封府殿前侍衛軍司奏斷大辟案經朕裁決後百姓即付中書軍人付樞密院更參酌審定並入俟盡出乃付本司其雖已批斷情尚可恕者亦須覆奏務於平允其逐處錄問罪人並須別差人吏不得令元推典祇候庶無枉撓式盡詳明

誠約治獄法外用刑詔

大中祥符四年四月

萬方之廣百姓為心期獄訟之無冤庶刑罰之必中嘗願明詔深戒有司冀盡公平以副欽恤然其獄之來上猶非理而居多且徑率之



中已屈吏議拙楚之下何難自証倘五聽之或乖則三章之有蓋無辜致罪和氣用傷言之惻然有足哀憫眷庶邦之叔任皆共治以分憂所宜振舉本條糾察察吏凡于聽訟無失原情合械繫者自有常科至拷訊者勿復申當如或公然踰矩法外用刑致枉橫之有聞在數然而無捨布告有位知子意焉

邊守信改公罪詔

大中祥符二年五月乙丑

乃存刑名刪于審慎雖法官詳獻宜執於祥刑而朕意哀矜務從於輕典庶臻至更當示明文邊守信已改為公罪宜令審刑院刑部大理寺自今比類據罪款刑名奏裁

天慶節五日內不得用刑詔

大中祥符二年五月乙亥

朕君臨萬宇子育兆民每懷勵翼之心冀臻清淨之治皇穹降祐宵錄騰文爰紀鴻休恭建嘉節設聖真之清醮洽士庶之多歡用慶昌

辰著於甲令載念百司之內逮於九服之間共樂福祥宜停罪罰自  
今兩京諸路遇天慶節五日內不得用刑

令府界提點往來察舉諸縣刑獄詔

大中祥符二年七月庚午

折明惟刑有國所重存上都之屬邑擇良吏以按巡尚慮攸司未符  
欽恤申嚴命令俾奉詔條督察稽留糾慙乖失勉修厥職稱朕意焉  
宜令開封府界提點縣鎮公事楊侃李允恭往來察舉諸縣刑獄如  
事未盡理有所淹繫並取案牘躬親錄問若曠於奉職或致枉濫當  
重行朝典

獲逃不得烙腕碎脛詔

大中祥符三年閏三月丙辰

如聞近日諸處捕獲逃軍或以鐵烙其腕及碎脛骨方就斬決此亦  
非理宜令自今不得更然違者論如律令

令西北緣邊不得法外行刑詔

大中祥符三年閏二月丁巳

西北緣邊兵興已來軍民有罪情重者斷文体而戮之其罪不至死亦鞭之過數自今不得法外行刑

恤刑詔

大中祥符三年三月戊子

列聖詒謀眇躬嗣服敢忘惠恤以荷隆平惟億兆之人愛之如子在  
小大之獄察必以情慮刑典之失中憫係繫之良苦脩文蒸之貫  
尤盱矚以軫懷爰示丁寧幸申隱憚眷言收長寅布教條常体哀矜  
務於密克勿淹獄行用治慈仁冀臻恥格之風式尊長氣之氣重念  
歲頒明詔國有常規頗聞守臣忽於彛制率多懈慢罔或遵行是數  
誕告之文以勵從公之節勉思振舉庶緩夏勤

減令衆日詔

大中祥符四年十月甲寅

明罰之典姑務於慈違宥過之仁亦先於善貸念其淹繫宜示寬恩  
自今決杖令衆者舊十日減為三日半月已上者勿過五日暑月克

之

天度節不得行刑詔

朕以珍符疊委，景命無疆，紀辰並建於節名，率土咸修於黜席。仰祇元鑒，方奄受於福禧，俯念潔忠，宜暫停刑罰。自今兩京於諸路，遇天慶節一日不得行刑。

令審刑大理三司編類配隸牢城條貫詔

大中祥符六年正月庚子

配隸之人，刑科之重，鵠膺著朕交舉鴻儀，載念恭祇，益懷欽恤。其前降宣勅，罪不致死配隸，逐州五百里十里外牢城及沙門島，憫其稍重，特議從寬。宜令審刑院大理寺三司以前後條貫編類以聞。

令開封府自四月至八月不預慶詔

大中祥符六年二月癸亥

京邑至大，閭閻實繁，每有喪亡，重行檢視。或在營葬之後，頗稽藏簡之期，爰親奏封，請從簡便。然則民至命重刑政，故先官司所陳，因軫

盡傷之念命令將出亟增欽恤之懷空令開封府自四月至八月死亡者不須覆驗餘月仍舊施行

令大辟情理憫惻刑名疑慮申提刑司有詳附驛以聞詔中

祥符六年

四月丙戌

朕以綿區至廣生齒實繁憂庶獄之沉寃遺猶軒而察視其有自投罪罟抵冒刑書或疑似未分難定一成之法或事情可憫合推三宥之恩所宜具方牘以奏陳自朝廷而詳獻頗聞官屬或恣因循慮舉駁之為尤率施行而自便陷於重憲頗用軫懷特有申明用符欽恤宜令諸路應大辟情可憫惻及刑名疑慮者並申提刑司有詳詣實具案附驛以聞當付大理寺詳覆

詔約勘鞠官不得已元奏狀令抑招伏詔

大中祥符七年八月壬申

齊俗之刑蓋非獲已苟違詳審必爽至和如聞推劾之官罔遵欽恤

之念加于巧詆迫以自誣遂使憲章或虧平允自今勅鞠官須盡理  
推究本犯不得以元奏事狀抑令招伏致有枉曲

宋朝文詔令集卷第二百一

宋朝大詔令集卷第二百二

政事五十五

刑法下

不許楊守珍等乞陵遲合死強盜詔

大中祥符八年九月己未

法所以禁姦暴明重輕苟增峻於常科實滋彰於政典朕每覽載籍詳思令猷漢文帝因縱縈而廢刑唐太宗讀明堂而減罪惟刑之恤在邦必聞豈於安平之時而行慘毒之事也今楊守珍等捉到賊盜內累曾為惡者送所屬州府照證指實奏裁自餘並送所屬依法論決

今諸路轉運曉諭府州軍監長吏孟公獄訟其情理可於許

奏裁詔

大中祥符九年八月癸巳

王者法天討以制常刑類震曜而為威獄蓋所以網羅非僻扶衛善

良致於和平殿之仁壽而寰海至廣民物寔繁郡縣之官雖擇循良  
之吏控犴之職恐罹苛酷之事倘聽斷之匪明則冤誣而昌告虐傷  
所致早暵或然尚念守土之人頒條是寄如能遵春秋慈惠之旨休  
詩人愷悌之恩保撫蒸黎旁清獄訟審其五聽察彼兩辭或可折以  
片言使無幽繫之弊或即從其上獄俾分枉直之端所冀吾民被茲  
中興宜令諸路轉運曉諭州府軍監長吏等凡有獄訟必須正公審  
察務於平允其大辟罪如情輕可憫及理有所疑並許奏裁以副欽  
恤

令犯銅鑰石私酒趙免極刑詔

入禧三年十  
二月乙卯

山澤所產飲食是資趣利者多冒禁斯東寘於大辟良可憫嗟比或  
犯于有司亦嘗從於末減然念臣域至廣道塗且遠往復之間稽緩  
滋甚特申寬典式表好生自今犯銅鑰石私酒趙等並免極刑



今劫殺等死罪十二月權住區斷詔

天禧四年五月丙寅

防邪禁暴則有憲章因事制宜務存欽恤朕君臨八表子視群氓戒  
升竿之中嚴去秋荼之峻密精擇官吏外司獻諄一日萬幾克勤於  
聽斷三覆五奏庶辨於隱微頗息繁文漸符恥格而措紳之列援古  
上言以眇躬誕育之辰乃陽律助生之月異遵時令損貨嚴科爰詢  
造膝之謀寔契納隍之慮式忝前訓特緩重刑再念青陸東秦朱明  
肇夏協二儀之茂毓常萬物之蕃滋或負蒙之可矜亦從寬而為宥  
俾申奏議用達予聞期於允中遠廣元化自今天下犯十惡劫殺謀  
殺故殺門殺放火強盜劫賊官典正枉法誑偽造符印厭魅咒詛造  
妖書言夜聚明散傳授妖術合造毒藥禁軍逃亡諸為盜罪至死者  
每遇十二月權住區斷迨正月天慶節依舊行刑自餘雜犯罪至死  
者十二月內及春夏逐處未得斷道依舊禁錮逮具案奏裁

今糾察刑獄提轉及州縣長吏凡勘斷公事並須躬親閱實

詔 乾興元年十一月

朕纂承先烈撫御群方所期華夏之民共躋仁壽之域載惟刑訟實繁條舒存乃案察之官逮失守宰之任與民至近維獄是矜勿致冤誣以孤任使宜令糾察在京刑獄并諸路轉運使副提點刑獄及州縣長吏凡勘斷公事並須躬親閱實無令枉濫及有淹延

大辟情理可憫及刑名疑慮許具案以聞詔 天聖四年五月十七日

國家慎擇循良勤恤黎庶必期無枉以洽至人而生齒之繁犯者頗衆未底于治朕甚憫焉况復大辟之科情有輕重特從上繳式表哀矜應天下大辟情理可憫及刑名疑慮者並許具案以聞有司毋得舉駁

詔獄吏詔 天聖九年四月

國家明慎庶獄撫養群黎圉圉之間必須閱實拙楚之下尤貴得情  
隴州官吏孫濟等誅陷未辜阻傷和氣且人命至重朝憲具存倘援  
寬大之恩曷謝沉寃之痛並從嚴造式戒慢官應天下親民掌獄之  
官自今各務究獄訟而審行之苟致寃監必罰無赦

定強盜刑詔

景祐二年  
士子制

朕紹撫邦圖謀惟治本言念蒼黔之衆罔知教化之方因衣食之靡  
充致寇攘之然起陷於重辟良用慨然逡覲前編具存中典逮五代  
之澆季爰抵深文泊累聖之治熙漸從末減欲驅民於仁壽特著令  
於寬平庶復律章式重人命自今強寇不持仗不得財徒二年每千  
加一等十人傷人者絞持仗不得財流三千里溝溝五千里者絞  
傷人者斬仍不分首從不持仗請千人持仗罪不致死並論如流配  
千里外牢城

律外條貫別定贖法詔

度祿三年八月癸巳

先王用法簡約使人知禁而易從後代設禁益酒稅之禁奪民厚利用刑滋章今之編勅皆出于律外又數更改官吏且不能曉百姓固未嘗聞之若有一犯而徒流相繼身體髮膚以之毀傷父母妻子以之離散情難可哀法不可贖豈礼之化未行而專用刑罰之弊也歟孔子曰礼樂不興則刑罰不中刑罰不中則民無所措手足此之謂矣漢文帝使天下之人入粟於邊以受爵免罪而幾于刑措其後京師之錢累百鉅萬太倉之粟陳陳相因其令御史臺審刑院大理寺并編勅所同議律外條貫或細民難知或人情不免或冒利犯禁或奢後違令或過誤可憫之類別定贖法鄉人以穀麥市人以錢帛使民重穀帛免刑罰則農桑自勸富壽可期崇兩輔臣咸體予意

賜諸道恤刑詔

朕欲使民知礼義以遠罪而惠乎勸戒之未明姦茲群愚猶冒常憲  
顧此滯署惘然拘繫卿等夙以敏材外分憂寄惟刑之恤常体於朕  
心舉政以時免思於汝職務從輕慎庸副哀矜

賜四京及諸路恤刑詔二道

勅某朕若古御圖本天布化永念編氓之衆靡勝罹罪之蕃屬炎鬱  
之正興在條纍之良若將導盛陽之德尚虞庶獄之苛稽用舊章特  
頒矜詔故茲詔示想宜知悉

又

勅某獄者人命之至重也故刑罰不中則民無所措手足方盛夏長  
養之時有司其燭煩獄出輕繫以奉順天時夫以苛為察以刻為明  
豈稱所以哀矜之意哉故茲詔示想宜知悉

州縣獄罪人死其為令詔

獄者民命之所繫也凡聞有司歲考天下之奏而度死者多深惟獄吏與犯法者旁緣為姦檢視不明使吾元元橫罹其害書不云乎與其殺不辜寧失不經其具為令應諸州軍府軍處司理院可禁罪人一歲在獄病死及二人者推司獄子杖六十每增一人加一等罪止杖一百如五縣已上歲死三人開封府司軍巡歲死七人如死二人法加亦如之典獄之官如推獄經兩犯即坐而仍從違制大縣一二萬戶已上依五縣已上州法提刑歲終會死者數以聞中書祕察或死者過多官吏雖已刑罰常更黜責

不得留獄詔

熙寧三年三月乙卯

盛夏之月南方化育之時民愚無知或放罪戾有司係累不決豈朕所以布德恤刑輔相天地長養之意歟申告遐邇毋有留獄

恤刑詔

元祐八年四月癸丑

方夏暑時動植之類皆以遂其長養而吾民觸禁抵法繫縲囹圄其深文之吏或不能体朕欽恤之意因循延蔓久不為決以干陰陽之和非細故也其詔天下官司之長敬若時令哀矜庶獄以正應朕志

監司分詣所部決獄御筆

大觀元年八月七日

京師扞獄屢空四方郡縣吏或以微文細故寢擱遲久繫不決甚非欽恤之意可令監司分詣所部慮囚決獄其或淹延不治留禁無辜即劾按以聞庶幾囹圄之空偏及天下

置杖不如法決罰過多許越訴御筆

政和三年十一月十一日

五刑之屬皆為輕蓋罪有輕重而刑有等差前者是正笞刑以懲輕罪置杖有廣狹之制行決有多寡之數比聞官司輒索常憲置杖不如法決罰多過數傷肌膚害欽恤之政朕甚閔之輒違前令者許赴尚書省越訴以違御筆論行杖人同若被決人不訴與同罪

遵守法重情輕上請法御筆手詔

以和六年二月二十八日

民以罪麗法情有輕重則法有增損故開封大理舊立情重法輕情輕法重取旨之文前批有司惟以情重法輕上請加罪而未開以法重情輕取旨寬貸則是樂加人以罪而無內恕及人之心非所以愛民也或辟或有惟遠厥中一夫不獲時予之辜前者有司謬誤非法之意自今可令遵守舊法輒循前批者以違制罪論

除徒三年杖一百外立到杖數

政和八年四月十一日

朕稽先王惟刑之恤審克厥中在宥天下爰自肉刑廢而為杖笞杖笞改而為小折大以迄于今未之能改世治亂不同則刑重輕亦異今天下承平日久囹圄數空常緩刑有罰而折杖之數多寡不倫民抵憲禁傷肌膚朕為之惻然夫朴作教刑朕以先王所以教者約其數以善天下使民遷善遠罪期於無刑閔仁元元至矣除徒三年杖



一百外可依下項

徒二年半杖九十可十七下

徒二年杖八十可十五下

徒一年半杖七十可十三下

徒一年杖六十可十二下

笞五十可十下

笞四十可八下

笞三十可七下

笞二十可六下

笞十可五下

宋朝大詔令集卷第二百二

宋朝大詔令集卷第二百一

政事五十六

貶責一

削奪李筠官爵令諸道會兵進討

建隆元年五月甲辰

周文聖德尚伐於宗侯漢祖神功亦征於英布不有戎臣之叛亂曷彰王業之艱難其有素蓄姦謀不知天命將定一戎之略湏興九伐之兵誕告六師其陳名罪昭義軍節度使檢校太師中書令李筠出于賤隸列在公侯長興中事秦王從榮不能死難天福未隨燕王延壽姑務自全既僥倖於亂離每包藏於詭譎昔周祖在位已萌不軌之心世宗臨朝益露無君之狀朕以天人合慶厯數在躬心同事於前朝每曲形於厚禮推赤心而示信指白水以申盟而不體明誠自懷反側窺觐神器干犯天常因辱使臣虐劉民吏結劉筠於并壘害

張福於高平竊弄干戈謀犯京闕罔順兩階之舞爰興六月之征止  
罪渠魁無治過有宜削奪李筠在身官將令諸道會兵進討戮茲大  
慙弔我疲民況上黨成師黎成舊俗素推効順必自改圖苟去危以  
就安即轉禍而為福立功名於當世保富貴以終身勿懷速復之凶  
自取復亡之咎凡爾士庶當體朕心

削奪李重進官制

建隆元年九月癸亥

黃軒御極常行中興之誅虞舜登庸先正四凶之罪庇民靖亂何莫  
由斯朕武定寰區化孚中夏念勝殘而去殺思先德而後刑矧復動  
武庫之戈矛役齊民而飛輓若非干紀寧欲加兵暴厥罪於市朝盖  
非獲已告渠魁於廟社與衆棄之推誠奉義翊戴功臣新授平盧軍  
節度淄青等州觀察處置押新羅渤海兩蕃等使開府儀同三司檢  
校太師兼中書令持節青州諸軍事青州刺史上柱國隴西郡開國

公食邑三千七百戶食實封八百戶李重進位列公侯權分藩翰自  
皇家之啓運包異志以無君朕法天以無私與物更始推大恩而舍垢  
聽改過以自新以至錫金券以伸盟指元穹而示信俾移大鎮用保  
永圖而敢固守孤城拒違王命屠戮將校逼脅軍民殘魂假息以興  
妖隣境飛章而告變天兵無敵孰當霜雪之鋒兇黨幾何勞我雷霆  
之怒致茲人之負義願涼德以多慙宜正簡書用彰罪惡李重進在  
身官爵並宜削奪

責李懷節詔

建隆二年三月乙卯

右神武將軍李懷節罷歸朝闕方在道塗屬部曲之間有竊攘之事  
曾無上奏擅舉任刑既紊典章難寬常典尚全大體俾列通班宜自  
省躬勿貽後悔可責授左內率府率

削奪孫行友官制

建隆二年八月己酉

分茅昨土在倚注以誠深左道亂常正典刑而難赦定州節度使同中書門下平章事孫行友素無勲伐久玷蕃宣習乃兄誕詭之謀事妓尼朽腐之骨依憑山藪收召遁逃幸遇世之亂離竊一州之屏翰朕肇膺寶祚務恤黎元曲推含垢之恩不改殿邦之寄而敢回邪成性狡獪多端屢上封章偽作歸山之計潛修兵甲頗彰叛國之心既追赴於闕廷合戮之於朝示尚念常居將相久擁節旄倖屈法以申恩示好生而惡殺宜削奪在身官爵勒歸私第

責高錫詔

將仕郎尚書屯田員外郎知制誥賜緋魚袋高錫位處掖垣職司詔命所宜畏慎以保寵光而乃發書薦僧妄求於思澤將命出使罔顧於憲章道塗非理以責人藩鎮無名而受賂固當遠竄以肅周行尚念嘗代吾言特從屈法默居上佐非謂無恩可責授萊州司馬御史

星差人監送至貶所

責馮璣等詔

乾德四年八月庚戌

朕以三川流俗適彼皇風務擇郡才往資共理既撫綏於疲瘵合遵  
守於詔條樞密直學士諫議大夫馮璣綾錦副使李美殿中侍御史  
李機等同奏大藩載踰周歲報政無狀黷貨有聞既屬吏以伏辜在  
常刑而不赦但以早參侍從常列軒墀特示矜容止從投竄朕失於  
任用良切愧懷凡在搢紳當體弄意宜並追奪在身官爵璣流沙門  
島美配海門島所在馳驛發遣縱逢恩赦不在放還李機除名仍毀  
在身官誥劉整等已從別勅處分

議王全斌等罪詔

乾德五年正月壬子

王全斌等出總偏即遠征全蜀銳旅才臨於劍外降書已至於軍前  
朕念其伏罪畏威祈哀請命尋頒詔旨務在撫綏應孟昶宗親及偽

命官吏諸事將士一境生民並令安存不得驚擾而金斌等違吾約東侮乃憲章專殺降兵擅開官庫豪奪婦女廣約貨財斂萬民之怨嗟致群盜之充斥以至再勞徵發方獲平寧泊命抽歸尚欲含忍而訴寃之者日擁國門今且據先次有狀隱落全銀庫玉錢帛一十六萬七有餘貫文受偽蜀臣條路饋九萬餘貫擅打開豐德庫門除點檢外諸色紬虧欠二十八萬一十餘貫遂令中書門下喚王金斌王仁贍崔彥進與論索錢帛人等質正而全斌等具休其今御史臺於朝堂集文武百官議罪以制

責降田欽作官詔

太平興國四年七月癸未

引進使汾州防禦使田欽祚頃者擢自廷臣委之戎律踰年既冠曾無尺寸之功終日計財但規什一之利多蓄蓄東以買錢刀御衆華方為將如此宜從謫降以戒貪叨可責受睦州團練使



賁石守信制

太平興國四年八月壬子

執干戈以衛社稷全鼓以忘身者將師之事也西京留守檢校太師中書令河南尹石守信位隆台鼎任崇旄鉞履歷藩閫寵極恩榮乃者戎路親征授之師律軍政益壞我武不揚職汝之由咎將誰執三尺議罪蓋有常刑十乘于藩俾從優典可責授隨州刺史充崇信軍節度使依前兼中書令

盧多遜削奪官爵配隸崖州制

太平興國七年四月丁丑

臣之事君貳則有碑下之謀上將而必誅兵部尚書盧多遜頃自先朝擢叅大政泊予臨御荐正台衡職在獎調任當輔弼邦家之務一以咨之朕既倚成汝合思報而乃交結藩邸窺伺君親指斥來與謀危社稷大逆不道非所宜言因遣近臣推治其事魄迹其露其獄已成既有司之定刑俾外廷而集議貪以褻夷其族汚瀦其宮州正憲

章以合經我尚念嘗居重征久事明廷將寬盡室之誅止用投荒之典竇汝有負非我無思足爾群臣當體茲意其虛多遜在身官爵及三代封贈妻子官封並宜削奪追毀一家親屬並配隸崖州充長流百姓所在馳驛發遣仍終身禁錮縱更大赦不在量移之限其期周以上親屬並配隸邊州遠郡禁錮部曲奴婢並縱之餘依百官所議施行

曹翰削奪在身官爵登州禁錮

詔太平興國八年五月壬申

威寒軍節度使判潁州曹翰偶以常材荐登貴仕有羊質虎皮之謂無飲冰食蘖之心擢登將壇兼領郡政頗彰貪暴之迹尚推寬大之恩而乃為惡務滋知過不改賦斂民戶盜用官錢擅築烽臺私蓄兵器地接京輔身擁節旄恣為姦謀首敗王度百辟集議有司定刑必行枯木之誅以正金科之法特寬極典式示深仁削名籍而為民俾

禁錮於近地周全大體深屈常刑其曹翰在身官爵削奪御史臺遣吏送登州禁錮所有盜用潁川官倉米麥及官錢帛並令徵納其部下賍錢及擅斂粟麥絲綿等特與除放侵官地為蔬園果園悉籍入焉

胡旦謫官制

太平興國八年十二月丁未

右補闕直史館胡旦猥以庸瑣謬升科級薰領太火為吾近臣頃以江淮漕運俾司其事賞賜甚厚恩獎倍至年少氣銳所為不法朕思欲全度盡與洗滌俾領東海欲其自新而乃沉湎於酒恣行鞭朴妄奏部下吏課最以圖僥倖增置胥吏侵用官錢醜迹升聞逮捕繫獄證左已具通會夫放朕猶示舍垢之道未行黜幽之典俾在禁掖司吾策書乃敢獻頌闕廷毀壞公輔詞意狂悖莫甚于茲人之無良惟日靡足言之不善雖遠必遺豈可寘於周行所宜投之四裔尚通朝

籍俸隸方周我非無恩爾宜自省可授殿中丞充商州團練副使依分司官例支給奉俸仍不得僉署州事

責陳象與等

詔端拱元年三月戊戌

爵祿所以育賢能刑罰所以正綱紀爾回邪之輩玷予明備之朝爰舉憲章是為公議鹽鐵副使戶部郎中陳象與等自膺選任累踐清華戴君既乏於盡忠結黨乃通於非類險詖無已蹤跡自彰宜並寘於嚴誅用顯懲於多士特寬窮究以示恩宥俾佐郡城頗屈刑典爾宜自省法不虛行象與可責授復州團練副使度支副使刑部郎中董儼可責授海州團練副使司封員外郎知制誥胡旦可責授坊州團練副使右正言直史館梁顥可責授虢州司戶參軍

責侯莫陳利用

詔端拱元年三月乙亥

鄭州團練使侯莫陳利用身本賤微性惟險詖結黨潛誣於良善在

官但恣於踰違惡迹滿盈醜聲騰沸尚尸榮於列郡寔有玷於清朝  
宜屏姦邪用行黜削可除名配商州禁錮

張佖奪休詔

端拱元年十一月丁卯

戶部郎中判考功強洎審定故秦國王錢俶謚議爰引舊章皆有典  
故虞部郎中判太理寺強佖學識甚淺數陳失實免其降黜特示含  
容仍奪一月俸所有尚書省詳定謚號依張洎所奏

責田錫等詔

淳化三年五月丁未

戶部郎中知陳州田錫通判殿中丞郭渭等輟自通班委之共理聽  
訟之際所宜盡心近者部民張矩殺人繫獄殆逾兩月曾不慮問以  
至稽留逮捕證左數百十章尋令遣使鞠核論報彌年次下憲司方  
見情狀枉抗刑獄職汝之由宜申譴黜之文以懲簡慢之罪錫可責  
授海州團練副使渭可責授郢州團練副使

責侍衛步軍都虞候峰州觀察使王榮詔

淳化五年正月戊辰

王榮總藩衛之兵居爪牙之位賦祿甚厚注意非輕北者爾奉戎師出佐邊郡軍政益壞將略無間而專殖貨財規求盈羨侵取官地蒔為蔬園平陂之惠不及於軍中三牲之養頗虧於膝下玷辱風化孤角寵靈合正刑章以謝中外尚以頃依蕃邸辱從征行錄以尺寸之勞倖居環列之尹忽忘改過用體匿瑕可責授右驍衛大將軍

### 責吳元載詔

西上閣門使富州刺史吳元載頃者輟於近侍畀以維藩矧茲富庶之邦合行易寬之政元載持法夫急御下少恩庸人援之民用胥怨致茲倣援職汝之由及受代歸朝趣裝離郡負撐之人甚眾閭市之征靡輸雖清白檢身固絕脂膏之染而道路以目豈無恙以之嫌矧人有與而行頗為干手所指合從嚴譴以正常刑尚念世勲屈茲邦

典可責授郢州團練使不簽署州事

責西京作坊副使度支都監趙贊詔

至道元年正月丁卯

具官某跡推寒賤心本回邪頃以曾厯錢刀驟加任用補報無效姦詐日彰務交結以進身寔狡惡而成性據其深罪合寘嚴科爰順養生特從寬貸俾懲惡黨且隸方州其削奪在身官爵并一家配隸房州集個仍限今日內進發所在馳驛發遣

熙翰林學士尚書禮部員外郎知制誥王禹偁制

至道元年五月甲寅

具官某頃以文詞荐升秤級而細詳臺閣頗厯歲時朕祇荷丕圖思皇多士擢自綸閣寘于禁林所宜體大雅以修身蹈中庸而率性而操履無取行寔有違頗彰輕肆之名殊異甄并之意宜遷郎署俾領方州勉務省躬率圖政節可工部郎中知滁州

責前陝西轉運使尚書工部員外郎鄭文寶等詔

至道元年十月丁丑

具宮集頃者握自周行出司漕輓地接夷落方切於羈縻民屬流亡尤先於煦嫗而乃自率冒臆妄作聰明築壘沙磧之中贏糧邊徼之外輕變禁法遂致辭騷重撓吾民遂成逋播靡洛居於官次但生變於邊疆紆軸其空金革未息者賊汝之由也合從肅斧之誅以快搢紳之議俾居令長深屈遷章可責授郴州藍山縣令所在馳驛發遣轉運使尚書吏部員外郎盧之翰責授國子博士轉運如故

張齊賢分司制

咸平五年十月丁亥

右僕射判永興軍府事張齊賢早階顯重荐峻公台位居端揆之崇任提藩維之劇官師之重儀刑式瞻而乃悅媒氏之甘言利寡婦之私帑訟端是構物議交喧且川小懲俾循深咎河太常卿分司西京

梁鼎罷度支使詔

咸平六年五月甲寅

閭龐之右金草未寧調發所資用度為急眷醴鹹之所產利賈販而



有經度支使陝西置制候右諫議大夫渠鼎職任均財議陳變法俾  
伸裁制庶司使且曾微遠圖苟獨見公私大捷儲峙益空徒亂舊  
章頗喧群議俾停使務用微官常可罷度支使守本官

責朱台符等詔

景德元年九月辛丑

國家選才幹之臣分漕運之任苟能盡瘁罔有不戒其或靡務和同  
互陳利害當茲劇選何以協宜屯田郎中楊革工部員外郎直史館  
朱台符輟自周行並司外計自臨職務亦涉歲時而各率冒襟蔑聞  
公共台符則但能改革有異酌中革則止務因循莫能盡力殊車輯  
睦日有異同泊遣獻官往詢事理違例之狀昭然可知將肅朝綱合  
行嚴譴念經任使常効勤勞猶領郡符寔從優典勉親民政更慎官  
箴革宜知隨州台符宜知郢州取便路赴任仍令御史臺傳告諸路  
轉運使副各令儆戒

張舒等贖銅詔景德四年九月乙丑

宣聖之祠布在郡國僅加完葺屬在官司輒賦民財是違詔令致其牒訟宜舉刑章知耀州起居舍人張舒等並依法贖銅

貶朱搏詔景德四年十月丁未

貶授澤州湘陰縣令朱搏向守郡符妄形奏牘自于公憲合宜嚴科且示包容伴居宰字荷茲優貸誠合知非而愈恣冒襟曾無悛革蓄藏舊業銜惑於人果致奏陳益彰狂瞽居別來尚示從輕可貶從衡州別駕

責邊肅詔大中祥符五年四月乙丑

樞密直學士給事中邊肅早升門籍頗負時材屢委藩條推參禁列荐分朝寄出守翰垣而靡慎操修黷干貨賄合從嚴譴用警群倫念具頃在刑臺嘗親戎事頗輸臣節克効勤勞特軫予表免于吏議止

從則秩仍列貳車可追奪三任授岳州團練副使不署州事

宋朝大詔令集卷第二百三

宋朝大詔令集卷二百四

政事

貶責二

龍圖閣直學士工部郎中知河南府兼留守司同群牧事陳堯咨可落龍圖閣學士依前二部郎中知鄧州制

朕以眷待近臣講求政本俾藩宣而是寄期條款以克遵其有行或越思事致過舉必加懲艾用肅群倫具官某卑以雋才中吾首選荐登清顯聿暑勞能內閣至崇適分於嚴直近都為大方委於綏臨而乃不守朝章大格物論責實無隱伏辨甚明特示矜寬免茲推鞠宜罷參於禁職仍移蒞於列城勉新令猷以補前過可

判館閣左藏等庫官典罰銅詔

大中祥符八年四月癸酉

維城之邇東綴延災雖綆缶之救皆勤且儻攸之縱方甚而中祕圖

書之府崇文典籍之司洎乎宮禁之間帑庫所在延燭遽及莫克於  
保完官守候分宜懲於曠慢止從寬典明示深慈其判館閣官左藏  
香藥天書法物庫監官各罰銅四十斤職掌專典各罰二十斤

責宮苑使獎州團練使李溥詔

天禧二年四月戊申

宮苑使獎州團練使李溥職任重方訟端斯構比令按鞠驗其奢貪  
以市賈而欲贏且簞簞之不節罪狀咸露憲網何逃但以嘗委事權  
頗經煩使範鎔寶像供億真庭歷歲淋多輸勤可念式逢恩宥特示  
寬矜黜處貳車仍列近服可責授忠正節度副使不得簽署州事

冠準太常卿知相州制

天禧四年七月丁丑

朕恭守丕圖思疑至化寵綏庶品敦洽太和眷惟大臣夙所尊任苟  
或有愆視履罔叶汪懷用塞群言示茲申警太子太傅萊國公冠準  
早事先帝亟升近班泊予縉承彌所優待向從會府權正昂司出踐

天堦累承藩寄復升樞有推領麾幢位兼將相之崇恩厚股肱之契  
去歲疇其宿望再委國鈞蓋蒙寅亮之謀以弼緝熙之政而特明莫  
顯散實靡孚與議交誼朝章失序加以罔思兢慎不肅門庭交結匪  
人虧傷大體願其狀迹因事而章諒懲勸以難私在刑典而曷捨尚  
以踐揚既从體貌素隆特屈瑛章仍居峻品勉布條職勿忘省循可  
特授太常卿知相州

盛度王曙落職知外州詔

天禧四年十月丁丑

人臣之道忠正是資苟逢恪謹之風曷逃降黜之咎翰林學士兵部  
郎中知制誥盛度樞密直學士給事中兼太子賓客王曙本用儒術  
登于仕途中外踐更歲時綿久嘗委劇繁之任遂升侍從之班而罔  
遵典典不慎交結察其狀迹頗甚者明有犯官箴自貽常憲削禁庭  
之近職司符竹於外方期爾省循荷茲寬宥度可依前兵部郎中知

光州贈可依前給事中知汝州並落職

寇準貶道州司馬詔

天禧四年八月壬寅

刑罰之設天下之公共也苟雷其罪予曷敢私太常卿知相州兼國公寇準爰自先朝早膺榮遇使蕃恩寵踐履清華屈朕繼承彌深東注出奉節麾之寄入登樞宰之崇而不務敦修密萌凶慝辱予輔弼玷乃樞紳特屈憲章免其流竄然居典午允謂寬恩可貶授銀青光祿大夫行道州司馬仍以其事傳告諸州御史臺揭榜朝堂以示百辟

寇準貶雷州司戶勅

乾興元年二月戊辰

勅為臣之辟莫大于不忠治國之經務從而去惡矧殺罪於先帝尚屈法於公朝世所靡容朕安敢捨銀青光祿大夫道州司馬寇準荷二聖之顧極三事之崇每推誠而不疑當捐軀而有報而乃包藏凶

德背弃大恩與返寺以通謀構厲階而干紀累上穹之降譴俾渠魁之就擒始其告變之辰適當違裕之際貼危將發震駭斯多雖馳驛以竄投蓋忌器而隱忍靜思及此可為寒心屬予一人肇續丕構欲邪正之洞別在賞罰之惟明特貶遐方庶塞輿議全其微命足示於好生正乃常刑式申於禁暴諒非獲已爾惟自貽可貶授將仕郎守雷州司戶叅軍員外置同正員

李迪衡州團練副使勅

同上

勅附下之私法當必罰濟惡之釁理難獨矜屬茲續紹之初太判忠邪之路其有嘗居重任每務詭隨爰究跡於事端宜申嚴於朝憲尚書戶部侍郎知郢州李迪幸由上第亟錢清塗終踰星紀之齡踰貳鼎司之正超擢之速倫輩絕偕驟正宰衡尤為非次伊醜徒之構亂萌巨孽而有初濟撓先朝震驚群聽自剪夷於首惡見傳會之有由



特示含容貴今終始逮于罷免尚蒞蕃宣基命維新政體尤慎稽諸  
公論難掩宿憾豈可未正彝章猶居崇秩謫于遐服處以貳車茲寔  
自貽無忘深省可貶授銀青光祿大夫檢校尚書水部員外郎充衡  
州團練副使不得簽書本月公事

宣徽南院使鎮國軍節度觀察留後華州刺史曹瑋落宣徽  
南院使徐授左衛大將軍容州管内觀察使就差知萊州制  
目上

勅上之比下在刑 無私君之馭臣盡進退而有禮苟步比周之

迹復懷覬望之情尚舉寬科用全大體具官曹瑋因緣舊族際會先  
朝膺恩顧以有殊踐官榮而不次出奉守官之寄入陪帷幄之謀屬  
兇人之擅權構逆暨而干紀遽因敗露旋就竄投頗彰朋附之端曲  
示含容之德止解重柄仍進崇資以嘗愆於戎昭遂復委於邊要而

乃為國生事輒援於乎民徼時有功罔念於前訓朕以肇承遺旨恭  
紹洪基將肅具察州申丕律降居環衛之列遙分庶間之權任以方  
州茲為簿責苟能省過姑務改圖當再造以是甄豈一青而斯棄服  
我優假汝惟欽哉可

尚書戶部侍郎知青州周起青授太常少卿知光州制同上  
勅勵節砥名人彞所尚舉直措枉邦禁斯明苟跡涉於比周而後虧  
於端慎宜申懲沮以肅群倫具官周起早契昌辰荐升華貫擢贊樞  
衡之務異申帷幄之謀屬當國之臣怙權撿惡綿連迭監震撓先朝  
朋附之蹤蚩緣斯見尚全至體上罷近司朕祇荷丕圖洽閭輿議爰  
稽典憲用屏兇邪從坐之科爾特安免降居列牧尚泣方州咸示寬  
恩聊從薄責苟能改節當復棄瑕庶念自新無貳貳過可

給事中知杭州王隨青授祕書少監知通州制同上

勅王隨際會昌展踐揚美仕備掖垣之獻納為望苑之來寮而服道  
未豐修身寡愆比周非類虧損素風尚居封駁之曹未塞衆多之論  
蓬山亞列頻海方城俾省前非用明薄譴苟能祇事彌恪悔過不疑  
粗伸補報之恩當示甄收之命可

給事中知海州王曙貶檢校尚書水部員外郎充郢州團練  
副使兵部郎中知光州盛度貶水部員外郎和州團練副使  
制同上

勅爵賞所以勸能刑罰所以懲惡執茲二柄馭乃庶邦其或階緣進  
身比周成性由徑以希用挾私以敗名當景命之惟新在公議而難  
捨具官某早膺吉遇繼荷寵靈擢陞密近之班仍忝調趙之列罔思  
補報但有覬覦傳會所親全虧於物望交通官豎自罹於憲章處之  
列城聊示薄譴未塞衆多之論宜行黜降之文授以貳車俾省前咎

尚為優貸勿謂無恩可

秘書丞監撫州鹽酒稅張子昂降授大理寺丞餘依舊制上同  
勅某邦禁斯設本以閑邪臣範使稽所宜守正苟涉比周之狀寧逃  
譴責之文惟爾早策科名荐登官秩輒附權臣之黨頗殊端士之風  
迹有重緣事皆干預荷先朝之舍垢舉常典以惟輕朕恭紹丕圖重  
違輿議懲其元惡投彼遐貶爰生從坐之科止行末減之命元棘丞  
率釐務如初足示矜寬勉自循省可

杜堯臣等責除虞部員外郎兵部員外郎知齊州改惟幾責  
授太常博士差監蘄州鹽酒稅務制 同上

勅衛尉少卿知安州杜堯臣等仕進之方貴乎守道邦國之憲謹乃  
懲違惟爾以服籍紳屨承委使履有殊於慎行迹備見於附邪屬當  
嗣極之初方申去惡之令稽于公論宜微明非爰示左遷猶為寬典

恪居所職當念前尤可

朱吳寧國軍節度副使梅詢池州團練副使並不簽書本州公事制同上

勅護國軍節度副使朱吳懷州團練使梅詢等早踐華資迭膺榮委或任司諫聞或職抱漕輸屬以尊類朋姦私謀構亂惟茲成禍之域首興變詐之謀爾等嘗所薦延已彰昵比不能防察復致驚駭先帝矜在矜寬聊從降譴當丕承之伊始願群議之益喧特移江介之臣未改賓筵之職若申警厲深自省循可

林陶檢校比部員外郎充歙州團練副使並不簽書本州公事制同上

勅太常博士林陶早以士流齒于朝綴亦嘗倖郡蓋俾効能而靡念矜修唯興囂訟荐令釐務姑示懲違益復持人之短長未嘗思已之

愆咎所至之地苦其害群于茲累年罔或遷善是從中做伴列貳車  
苟罷先節以悛心當復實行而備用如其終懷弗期尚蹈前非必議  
寃投永絕甄錄汝寔自取吾豈棄人勉佩訓詞無煩刑律可

丁謂貶崖州司戶勅

堯興元年七月辛卯

勅無將之戒舊典甚明不道之辜常刑罔捨苟靈挾邪之迹宜中去  
惡之文具官丁謂早踐台司備隆朝眷曾靡圖於為報乃公肆於非  
心昵彼妖坐館于私舍潛通詭計假託神靈與孽寺以連謀幸先皇  
之違裕將逞姦回之志妄談禍福之端屬朕親臨覬覦威柄僻違之  
狀并見於反常毀譏之言更彰於無上比從罷免猶示矜寬既免惡  
之旋間且閱賢而具在背恩棄德一至于斯寃處遐方寔乃自取可  
貶授將仕郎守崖州司戶叅軍自外置同正員

王從益降官制

勅右諫議大夫王從益早由陰籍爰襲衣纓爾父近有奏陳英從訓誘特遷閣列侍家庭而乃輒發文移輕于府政靡遵義檢寔慢朝經向示矜寬免其推鞠止令降秩無忌省躬可

霍炳陳州長史制

勅權易使翰林醫官使霍炳先皇不豫屢易炎涼爾職當侍醫藥延靡勅俾從降譴用示朝章可

任中行度支員外郎監許州酒任中師太常博士監宿州稅制

勅兵部員外郎任中行左王言任中師筆率以文科列于朝著由乃兄之貳政屬肇位之均恩曾因伋於親嬖遽越升於班序方明淑慝尤在澄清俾復常資仍分釐務用愆非據無忘省躬可

祖士衡落知制誥知吉州制

勅禮部郎中知制誥祖士衡夫位列禁垣班參法從時惟高選允謂清階苟率履之有愆諒居職而奚稱爾早登殊級綽負敏文且彰應務之能久處有材之地擢升祕掖同掌積書誠宜祇惕官歲敦修儒業乃於任使之際靡聞畏慎之心而又階託於樞臣交游其諸子罔遵直道頗積群言宜寵綸曹尚居蘭省出臨名郡兼委長人勉申撫俗之力無忘改過之美可

### 進敏職方員外郎監渭州酒務制

勅祠部郎中知晉州焦敏久服朝榮獲登郎省頃膺郡寄守和平陽報政後聞臨官有素罔念靖共之訓脩彰起附之蹤再領藩條允喧物論方明紀律用汰品流降處外郎之曹仍分釐務之任聊茲申儆無忘省非可

### 章類比部員外郎監饒州鹽酒稅制



勅侍御史知宣州章穎幸遣昌特列於通籍向膺朝選擢預遷諫臣  
敦平允之心曷副準繩之職喧於群論頗異首公豈可尚處清階仍  
臨劇郡就易郎曹之秩退居推署之司用微當官勉於省已可

責提轉不案李應撥詔

天聖二年二月丙戌

外臺之官責在刺舉知兗州李應機在郡不法肆行貪殘當職靡言  
咎將安執其本路轉運使劉明恕李允元提照刑獄尚霖郭位特免  
勘各罰銅二十斤

曹利用責左千牛衛上將軍知隨州制

天聖七年正月丙辰

朕講求至治遵御群賢庶期同德之臣共守太公之道苟違邦憲安  
敢自私推誠保德忠亮守正珣載功臣保平軍節度陝州管内觀察  
處置等使開府儀同三司守司空檢校太師兼侍中行陳州大都督  
府長史判鄧州軍州事兼管内勸農使上柱國鄧國公食邑一萬三

十三百戶食實封四千八百戶曹利用履三事之榮賦萬鍾之祿靡  
畏亢盈之禍寔淪驕恣之風而曹汭早被賞延寔乃猶子遷官鄉邑  
符構凶謀竊倖南面之儀以服中央之色仍令醜類輒効山呼何乃  
骨肉之間余失義方之訓屬者解於樞近出撫藩垣雖示寬恩未荷  
公議興言勲舊忍真嚴刑降居環衛之資徃奉方州之寄所宜自省  
無曰非辜可特授銀青光祿大夫檢校司空兼御史大夫左千牛衛  
上將軍知隨州軍州事兼管内勸農使上柱國仍令供奉官陳崇古  
御史臺驅使官趙宗諒來驛伴送至州

曹利用青崇信軍節度副使房州安置制

天聖七年  
二月癸酉

勅銀青光祿大夫檢校司空左千牛衛上將軍知隨州曹利用被遇  
先帝擢在右府不思忠蓋以答寵榮每恣睢以怙權久包藏而伺隙  
向緣從子裴構凶謀止降官資尚居藩翰罔知內省自謂非辜復賦

狀以繼彰致獄成而來上合行則藉以警當官猶懷舊勞深屈常典  
爾宜自訟以識寬恩可特降授左散騎常侍兼御史大夫上騎都尉  
充崇信軍節度副使房州安置官為津置行李仍命入內供奉官楊  
懷敏防護至州其房州知州監押並別選差人

宋朝大詔令集卷第二百五

政事

貶責三

青錢惟演崇信軍節度赴木鎮詔

明道二年九月丙寅

王昔收賢材而經至治厲名器以示大公有憑世資遂冒天寵苟未  
符於人望則難屈於朝彝推誠保順崇仁宣德協恭亮節翊載功臣  
泰寧軍節度兗州管内觀察處置等使開府儀同三司檢校太師同  
中書門下平章事兗州大都督府長史判河南府兼西京留守司上  
柱國彭城郡開國公食邑一萬三千戶食實封四千五百戶錢惟演  
蚤以藝文歷更華要罔知富貴之慎乃貽負乘之訛歷言茲多為善  
何有三星之媾姑務結於戚藩百兩所迎率相依於權利乃復妄議  
宗廟越侵宮常執憲以聞於法奚追朕念昔祖考嘗著勲勞尚曲示

於寬恩止改從於別鎮然其兼領即以絕違於戚公侯之家鮮克由  
訓將相之任難以並榮其省爾躬往祇朕命可特授檢校太傅使持  
節隨州諸軍行隨州刺史兼御史大夫崇信軍節度觀察處置使仍  
赴本鎮

責楊崇勳制

景祐元年  
八月辛酉

春秋之義賞罰蓋存於至公天地之仁始終固全於大德其有往陳  
密事理涉厚誣致深平世之文曷禦宜升之請推誠保德崇仁忠亮  
翊戴功臣河陽三城節度孟州管內觀察處置河堤等使先祿大夫  
檢校太尉同中書門下平章事使持節孟州諸軍事行孟州刺史判  
陳州軍州事上柱國宏農郡開國公食邑一萬七千戶食實封三千  
戶楊崇勳早登勇爵自勵忠圖遂分節制之權乃居有密之地比崇  
公袞出蒞价藩方委遇之不疑俄幽克之有訴爾頃以急變聞於先

朝故懷政被蒙惡之誅懷信嬰誣告之辱雖已行於昭雪固難追於  
典義然念嘗為弼臣屢經沛澤聊解台衡之重任且更淮服之近藩  
於戲典法有常不可以恩而遂廢神靈非昧不可以幽而或欺其勉  
自思以對成命可特授依前檢校太尉使持節孟州諸軍事行孟州  
刺史兼御史大夫充河陽三城節度孟州管内河堤等使知壽州軍  
州事兼管内勸農使

責范諷等詔

龍圖閣直學士給事中知兗州范祖禹武昌節度行軍司馬新廣南轉運副都負外郎龐籍降

太常博士知臨州軍東頭供奉官吳守則並官

懷諷罔上前訓之深德挾黨背公群言之尤疾范諷早由宦牒游服  
朝倫曩嘉論事之能擢處諍臣之職而乃性資偽辯志騁比周頃主  
計文昌冒于賞典吳守則嘗司國帑未結年勞輒廢格於舊條爰保  
任於空簿加以內營產利外託廉貪假什物於禁司形妄言於奏牘

仍於列郡輒市公田因宿昔之薦論致州縣之阿徇泊從訛逮成憲  
欺誣尹具獄之上聞合免官而俟報擅還治所尤駭輿情特申降黜  
之科用判忠邪之類龐籍比參朝選亟貢囊封事雖失於審詳理當  
從於矜貸噫事居盡節乃克倚於寵榮行已弗減蓋自取於尤悔凡  
百多士宜悉朕懷

范仲淹落職知饒州制

景祐三年

為臣之方宜懷於敬畏御下之道亦貴於甄明惟忝列於近職方試  
能於劇職苟愆誠節奚違國章吏部員外郎充天章閣待制范仲淹  
早以藝文預升科第洎周旋於仕牒頗奮發於時才向者來其直誠  
寘諸諫列旋由輕肆出領麾符未忘獻納之勤適委蕃宣之任俄升  
侍從亞得台還察乃強敏之材付以浩穰之治不次之遇於時罕倫  
所宜慎重爾為靖恭于著率循矩度以答寵光而每因進對之時屢

談時務姑挾謀身之利輒興搖衆之端離間大臣厯加詆毀交結在位陰有薦論動形危害之言居頸比周之迹矧惟京府表則四方願決訟而罕精多肆情而自用觀茲吐論視乃操心將罔惑於聽聽明張皇於朋勢侵擾邦政黷鷹朕師按以常刑宜當峻罰尚申矜宥示降愆罷漢閣之班榮分鄱陽之牧守往服茲命無忘首躬可落天章閣待制知饒州

郭勸李渭責官制寶元

祿以賦能罰以黜罪有國之典况造閭之寄覘候不明款附之人綏懷無狀苟寬深責曷警在公前尚書上部郎中郭勸尚食使恩州刺史知砥州李渭早緣履厯寔列華班嚮谷西土之人遂分延水之重委之郡寄付以兵鈴時屬校寇結完陰圖僭越輒馳軍使公猷慢書而爾等職在揣情事無不達加以嚮順之族挈孥歸來備陳羗賊



之謀頭加天討之畧爾復暗于未兆忽為空言械以送還覆而不奏  
稱忠勤於虎口甘憤疾於賊心稔彼凶殘致茲侵軼靜言其始非汝  
孰尤雅已寘於寬科顧未厭於公議宜從再降以肅曠官郭勸可特  
授依前尚書兵部員外郎依前特服李渭可特授右監門衛將軍依  
前惠州刺史

李淑落翰林學士制

虎歷八年十一月乙未

國家以肇基藝祖眷命上穹蓋敦揖讓之風匪尚干戈之事翰林學  
士兼端明殿學士尚書禮部侍郎知制誥史館修撰李淑早登清貫  
博覽舊文因近壞以頒條指故陵而發詠援古有失於義未安致人  
言而上陳在國章而奚遑第解禁林之職仍陞內閣之名往釐刑都  
置服寬渥可落翰林學士依前端明殿學士兼翰林侍讀學士加龍  
圖閣直學士集賢殿修撰知應天府兼南京留守司事

唐介責授春州別駕制

皇祐三年十月丁酉

勅殿中侍御史裏行唐介往被薦言獲陪憲職不思忠盡以答甄升輒肆狂狷之言陰為朋附之計詆欺元宰引薦外臣迹其陰姦宜有顯絀嶺服之外州佐是居惟爾之行所宜內省可責授春州別駕

唐介可改授英州別駕制

皇祐三年十月乙亥

勅某早任憲僚近因論事動閑誣罔陰有薦延跡既隨於詆欺理難從於全恕已黜居於上介伴遷置於延陬尚念荒遐之方有惻哀矜之度俾遷近服仍佐方州尚體寬優無忘循省

起居舍人楊敞降屯田員外郎西上閣門副使曹修降洛苑

使制

皇祐四年九月丁巳

勅某等朕以盜起五嶺之微屬時久安未始有金華之備致剽十餘郡大攻清海軍曠日而未殄朕初命使者發兵調師而濟遠人之危

惟爾政頃按湖外有破剽蠻之功惟爾修在陝西壘習知邊機之事  
故起畋於廬中而擇修副之其所以臨遣之意厚甚方賊勢犄蹶濟  
沙頭以迎撤還前師不時進擊而欲棄壁焚糧為退保之計夫統大  
兵之衆伐窮寇之黨顧出此策耶朕甚不取焉嚮之行也有石史之  
秩有上閭之著今以不職並罷而名罷未奪何足以勵耶徃祇舊服  
以勵以思可

宮苑使韶州團練使蔣偕除授北作坊使忠州刺史制同上  
勅某向僚蠻狂悖震驚二廣剽掠郡縣殘害士民朕博求材武徃殄  
厥寇以爾久禦邊陲必知方略進以使名之寵加之團結之命自汝  
攸徃經涉時月朕晝夜憂勞運汝成效而乃獨肆狂妄恣為輕率奏  
陳無實動輒失理知護軍統帥有所議論而移書臺省陰為自解汝  
有曲直當自處之求助於人其意安在就其新命復於舊官爾其慎

思體此寬典可

兵部郎中充天章閣待制仲簡可落待制知筠州制

皇祐四年十月

卯巳

勅唐鎮五莞而番禺為郡會遭時承平故其俗盛而貨蕃朕聞遣侍  
從材臣以撫遠人之安今其墮事朕心撫然具官某向以器能擢武  
計省屬南方擇守遂寵以內閣之秩委以右符之行方邕寇之蹶鈔  
數郡之東乃不能先計以搯溪巖之險墜番禺請奮仍抑衆不遣以  
至賊鋒歛集而使居民不得入保戍戍士庶毀焚官寺掩奪兵器倍  
積金犀而勢益得逞比賊去城下又縱殺羸弱而莫之省者一方之  
毒無甚于此爾為民長吏而自視得策于尚念完守一城不加爾于  
嚴謹止遂禁職猶寄使即爾其飭哉可

兵部郎中仲簡可降校刑部郎中制

皇祐四年二月丙申

勅某自蠻獠之蹙剽奪海隅爾守五莞之會既末能預為之禦冠疆  
抑著衆失守險之策暨扶老携幼顧保城中又拒而弗納至使兵防  
之具一以資寇民室被害十室八九朕尚念守城之固統奪近職寄  
以偏郡如聞耆畧之人懷怨不已言者交章於朕聽不有萌絀何  
以謝遠方之民其上一秩體予寬憲可

責降郭申錫仍榜朝堂

嘉祐三年五月乙酉

朕常患民之好爭而風俗漸磨於薄也思有以革正非吾士大夫躬  
率以義而道之於善則何以哉三司鹽鐵副使郭申錫官職事任不  
為輕矣所宜慎守所舉以道吾民者屬與參決何議論之異遂成忿  
爭章奏累上辨訴紛然敢為抵欺行之自若以至興大獄置對逾旬  
參驗所陳一無寔者士人之行乃至是使吾細民何所視効其降申  
錫知滁州仍榜示朝堂

呂濬落職分司制

嘉祐四年九月癸丑

有司宮濬前在真定委信小吏至假官釀酒又使人詣勞郡貿易私利朕惟濬簡宜好節立身有本末其推誠不疑使吏陷之法不欲寘于理以屬在位者解濬近職分務別都濬之浚明高輿國必有以矯其前失朕亦不以一眚廢爾其勉焉可落翰林侍讀學士依前禮部郎中分司南京

呂濬降兵部員外郎依舊分司和州居住制

嘉祐四年九月丙辰

勅夫至治之世恥言人過德化成俗朕所慕之飭下以法蓋循公議具官呂濬材是之選久列侍從侍以文武命守邊劇乃聽用下吏至以成釀私醢易貨旁郡獄辭所逮彈劾經上得罷禁職分務別都而揀臣切言議論未塞宜從貶秩以示成邦其勉自修朕不汝廢可授兵部員外郎依舊分司南京於和州居住

韓絳落御史中丞理檢使本官知蔡州制

嘉祐五年五月二十二月己酉

朕惟天下之務聽斷為難常求端良共濟大治夫風憲之地紀綱所  
本用人在職豈不大哉以爾韓絳資賦材茂可寄言路擢自內署俾  
表收臺所期至公以助信任之道而無根之語抗奏於前詆傷大臣  
事與政論輒去官號朕動朝聽雖開悟不惑朕志固定然納稅準當  
人其謂何諫憲文章願正異曲宜仲執法之重出分太師之守其勵  
修省以對寵私可落御史中丞理檢使授依前諫議大夫知蔡州

胡宗愈奪職通判真州詔

熙寧三年六月丙戌

宗愈自領言職未嘗存心裨補朝廷治道凡進對論事必潛伏姦意  
舍其事情旁為邪說以私托公專在破壞正理中傷善良所為如此  
而置之左右前後豈非自蔽聰明氣欲存惡遂奪職通判真州

貶知慶州李復圭劾

熙寧三年十月丙子

工部郎中直龍圖閣知慶州李復圭擅興甲兵討蕩邊境致敵人畔  
亂擾我邊陲種落凋荒膏于原野可責授檢校尚書工部郎中保靜  
軍節度副使不簽書本州公事

范鎮戶部侍郎致事制

熙寧三年十月己卯

勅舉直錯枉古之善政服訖免惡義所當誅翰林學士戶部侍郎知  
制誥范鎮材無任職之能行有愜材之寔頃居諫省以朋比見攻晚  
寘翰林以阿諛受斥朕惟用舊不汝疵瑕而每託論議之公欲濟傾  
邪之惡乃至厚誣先帝以蓋其附下罔上之醜力引小人而徇干敗  
常亂俗之姦稽用典刑誠宜竄殛宥之田里姑示矜容往服寵私勿  
忘脩省可

富弼落使相制

熙寧四年六月甲戌

牧守之職誠宜邱隱於民州郡之官固必承流于上昔雍位於元宰



今是司於介蕩安有上之命令則頒而弗行民之災傷則訴而不省  
苟屈常憲昌為至公推誠保德崇仁忠亮佐運翊戴功臣武寧軍節  
度徐州管内觀察處置等使開府儀同三司檢校太師行尚書左僕  
射同中書門下平章事行徐州大都督府長史上柱國鄭國公食邑  
一萬一千戶食實封四千二百戶富弼天賦忠絕世推經濟荐更清  
近之選益奮誤明之才當仁祖之視朝已尊特於鈞軸暨英孝之纂  
極復首冠於樞衡逮于耿弼處以上相爰懇求於補外寔因替於注  
懷既吏議之有聞於文法而難避宜仍端揆之秩上還衮鉞之名俾  
移汝墳貴便京洛於厥無私立政聊示降升之權圖舊為心終全進  
退之禮當體恩遇勿忘訓言可特授依前行尚書左僕射判汝州軍  
州事兼管内營田提堰橋道勸農使

削奪沈起官爵

詔  
熙寧九年  
正月丙寅

沈起昨在廣西妄傳密受朝廷意旨經畧討交州又不俟詔擅委邊吏招接息靖州懷善美及於融宜州溪峒疆置城寨虛奏言蠻衆內附既興版築果致叛擾殺土兵丁校官吏以千數今交賊犯順宜獠內侵使一道生靈橫遭屠戮職其致寇罪志在起了無疑者朕為人父母視比遠方無辜之民橫罹災害深所哀悼沈起可倚死削奪在身官爵送遠惡州軍編管

### 王中正种諤降官制

朕大興士衆屬爾等以伐羗固將舉其巢穴非徒卻敵收並塞之地而已兵西出則近而爾東繇綏德回達之路以疲士馬費芻粟致功用不集中正議既不審又約有分地當攻其左而不能奮擊以殲除醜類大軍賞吾必行而罰亦安得已哉是用按爾之罪降扶有差其體寬恩尚思報稱可

尚書祠部員外郎直史館蘇軾黃州團練副使本州安

置制元豐二年十一月

勅其官某稍以時名獲躋顯仕列職儒館歷典名城報禮未聞陰懷  
歆望訕謾國致出於誣欺致言職之交攻屬憲司而辯治詖辭陰說  
情寔其乎雖肆宥示恩朕欲從貸而嘉言亂衆義所不容然真方州  
以勵風俗往服輕典毋忘自新可

翰林學士權知開封府蔡延慶落職知滁州制

勅學士以論思獻納為官而開封典治京邑惟忠信諒直有辭學政  
事之能者宜在此選苟懷邪失職則為時起羞具官某頃以藝文寘  
于法從權尹綏聞入踐禁林宜思守公以稱榮遇而乃顯為嘉惠弃  
義徇私交通中人屈撓國法申朋比之志忘側媚之恥累傷國體無  
甚於茲言者力攻深願予聽褫職補郡猶示寬恩往自省循毋重尤

悔可

翰林學士兼侍讀許將落職知新州制

勅為左右侍從之臣居京邑尹正之地朕所信任國之表儀若夫怙  
姦不平挾詐無恥底于吏議罰不汝私具官某出入禁嚴典領要劇  
不能靖共厥位國爾忘家以至阿蔽所親縱釋有罪干庠序進升之  
法懷獄辭奏覆之欺致物論之弗容泊臺章之逮治固知首服猶肆  
誕設靜言庸違寔負器使俾從顯黜以儆官邪往服訓辭毋忘自訟  
可

李定落翰林學士罷御史中丞依舊太中大夫知河陽制

九月

月二十七日奉聖旨李定言詞界養馬事既見朝廷罷黜向  
黨元法亦無改更定即更不敢論列顯是從初論是有失當  
實可落翰林學士罷御史中丞依舊太中大夫知河陽

勅居綱紀準繩之地為左右侍從之官雖行與言朕所信任拂于公

議劉弗汝私具官某拔自周行寘諸華要典領憲府論事禁林舊馬  
均民抗章來上逮樞臣之獲罪終新令之莫移曾無片辭復議得失  
依違無寔具理已明稍然舊班俾臨近郡往承恩宥爾毋弗欽可